

آبونه شرائطی

ممالك عثمانیه ده سنه لکی (۶۵) ، الق
آیانی (۳۵) غروشدور .
ممالك اجنبیه ده سنه لکی (۱۷۱) ، الق
آیانی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مملکت موافق آثار مع الممنونیه قبول
اولنور . درج ابدله بن یاریلر اعاده
اولونماز .

الکشاف

۱۳۳۰

اخطارات

رساله مزدهن آلمدیغی کو-تولک شرطیله
بتون یاریلر هر هانکی بر غزنه طرفندن
اقتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولومسی لازمدور .

§

ممالك اجنبیه ایچون آبونه اولاملرک
آدرس لریشک فرانسوزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغیک
واضعا ییلدیلمسی دجا اولنور .

دینی ، فلسفی ، علمی ، ادبی ، سیاسی هفته لک مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ع . اشرف ادیب

اتبعون اهدکم سبیل الرشاد

عدد ۲۵۸

۱۸ رمضان شریف ۱۳۳۱

پنجشنبه

۸ اغستوس ۱۳۲۹

جلد ۱۰

تناسخ عقیده سیله تشریح ایدیله بیلجکنی اعتراف و بعض مثالر سرد ایدیور .

اوریزه دیورکه : کتب مقدسه نك حضرت یعقوبه Jacob ، بویوک برادری Esaii آرسنده قبل الولاده بر طاقم مجادله روقوعبولدینه و بوکا ممانل احواله دائر اولان بیاناتنك آ کلاشیله بیلیمسی تناسخ عقیده سنك قبولنه وابسته در عقیده سنك یهودیلک و خرسیتیانلق آرسنه پک کیزلی بر صورتده صوقولمش اولدینی محققدر . فی الحقیقه خرسیتیانلق عالمده مهم بر موقع صاحی اولان اسکندریه پسقبوسلرندن بریسی خلقتی بیله تناسخله ایضاح ایتمه قالدیشهرق دیورکه : (جناب حق کائناتی قدرتی اظهار و الطاف ربانیه سنك تجلیسنی کوسترمک ایچون خلق ایتش دکدر . خلقتک سبب حقیقیسی روحلرک ؛ بودنیاه کله دن اول یعنی داها سواده ایکن ارتکاب ایتش اولدقلری قباحتره جزالری ؛ چکدرمکدن عبارتدر . همه حال بر جسده کیرمه محکوم اولان بویکی روحلرک داها چوق اضطرابلره مبتلا اولملری تأمین ایچونده فاطر مطاق خلقتده بر چوق نقصانلر بر اقصدر . اوریزه ، روح بشرک عضویت حیوانیه به قدر تنزل ایتیه جکنی ادعا خصوصنده پورفیردن ، قاببالک مریدلرندن داها ایلری کیتمکدهدر .

م . شمس الدین

اکتیسایات

صحائف تنقید

محمد عاکف

صفحات — اریغی کتاب : مفک سدری

ایکنجی منظومه

بسم الله الرحمن الرحيم : (فتاک بیوتهم خاویه بما ظلموا) ترجمه سی : « ایشته سکا اولرک ، کندی یوسزلقلری یوزندن ، ایپ ایصنر قالان یوردلری !... »
 کچنلر وارسه اسلامک شو چیکنه نمش دیارندن ؛
 شو یوز بیکرجه یوردک قانی ، زائرسز مزارندن ؛
 یورکر پارچه لار بر نوحه دیکر رهگذارندن .
 بو ماتم ، کیم بیلیر قاچ منکسر قلبک غبارندن
 خروش ایتمکده صوک امیدینک صوک انتشارندن !
 اوت ، صوک انکسارندن که یوقدرچبرک امکانی :
 باتوب کیتمش نظرلر بکله مکدن فجر نازانی !
 فاصیل ، ای یولجی ، بیک لغت کلوب ازمز که وجدانی ؟
 دوداقلر چاکچاک اواش ، ایچرکن زهرخیرانی ،
 اوزاقدن باقدی - قوشمتی نرده ! - میلیونلرجه یارانی !
 بو ایصنر آشیانلر بر زمان غایت معززدی ؛
 بو طاملر بویله بايقوش سسلرندن چین چین اوتزدی !
 شوقور بفرسه کن وادیده جیلانلر قوشوب کزدی !
 شو جوشمش اغلایان ایرماق نه خندان کولکلر سزدی !
 فقط بر باد نکبت آکسزین هپ قیردی هپ ازدی !
 واسز یورد ، اوز اولادک ایچون اولسون ، وفا یوقی ؟
 نهدن قلبک قارارش ، بیک اوجاقدن برضیا یوقی ؟

مقابل برده ارواح خبیثه فرض ایدیور ، و بونلری بدنندن آیریلان برانسان روحنی دیکر بر بدن داخلنه کیرمه اجبار ایتک وظیفه سیله مکلف طوتیور . . .

یهودیلرک قاببالنده Kebbale داها اخلاقی ، داها یوکسک و داها زیاده تسلیتکار اولق اوزره تناسخ عقیده سنك اساسلری تشخیصی اولنه بیایر . قابالیستلرک سیستمه کوره ؛ بوتون موجودات متشخصه کی ؛ روحلرکده موجود علوی به رجوع ایتلری مقدردر .

فقط روحلرک بویایه وصولی ، کندیلرنده کی جرثومه لایفنی ده مندیج اولان بالجه کالاتک انکشاف ایتسیله مشروطدر . برنجی حیات اثناسنده بوانکشافه مظهر اوله میان روحلر ؛ فضائل لازمه یی اکتساب ایدم بیلیمک وساطتی بولنجه به قدر ؛ ایکنجی و اوچنجی برحیات کیرمه مجبور اولورلر .

روحک بوضویرتله بدنندن بدنه انتقالی کینتی انکشاف تامه مظهر اوله رق فنا فی الله ذوقنی طاعتدینی آنده ختام بولور و بعث کائناته قدر بدنله اولان علاقہ سی منقطع اولور .

پورفیرک مسلکده اولدینی کی قاببال سیستمده تناسخ حیات حیوانیه دائره سنه منحصردر . تناسخ فکری یالکر قاببالک مریدلری آرسندهده ظهور وتعم ایتکله قالمه مش ، بوتون یهودیلر آرسندهده ؛ حشر ونشر عقیده سندن مستقل اوله رق ؛ انتشار ایتش و مدت مدیده حکمران اولمشدر .

تناسخ عقیده سی یهودیلرکدن خرسیتیانلغده سرایت ایشدر . یوحنا ایچیلندن نقل ایتدیکمز شوبارچه مدعا مزی تأیید ایدمک واثقنددر . فی الحقیقه یوحنا ایچیلنده دینلیورکه : (یسوع کیدرکن آنادن دوغمه براعمی کوردی . رفاقتنده کیلر کندیسنه صورديلرکه عجبا بو آدم نه کی برکناهدن دولایی کور اوله رق دوغمشددر ؛ بوکناهی کندیسیمی یوقسه ابونی می ارتکاب ایشدر . کندی کناهی سبیله اعمی دوغمش ایشه ، بوکناهی داها اول کزار ایدن برحیاتده ارتکاب ایتش اوله جنی شبهه سزدر .) کلیسانک تدریسات رسمیه سنده تناسخدن بحث ایدلمزسه ده ، توراتک تأثیراتندن قورتیله مین صافدل و دیندار خرسیتیانلرک معتقدات خصوصیه لرنده بوعقیده نك کیزلی ایزلری فرق ایتک ممکندر .

مشهور سن ژروم saint Jérôme ، ده متریاده Démétride یازدینی برمکتوبده بوحقیقتی کمال صمیمتله اعتراف ایدمک دیورکه : (تناسخ و روحلرک مهاجرتی عقیده سی ایلک خرسیتیانلر آرسنده صورت خفییه ده تعلیم ایدیلوردی . ارثی برمرض کی محدود بردائره داخلنده پدردن اولاده انتقال ایدن بوعقیده ، افراد آرسنده مقدس برسر عد اولنور و محافظه سنه اعتنا ایدیلوردی . آباء کنیسایه دن برچوقلرینک بوخصوصده کی مطالعه لری سن ژرومی تأیید ایتمکدهدر . ایچیلک مشهور مفسرلرندن اوریزه Origène کتابلرنده بومسئله یی مناقشه ایتدیکی اثناده ؛ کتب مقدسه نك بعض روایتلرینک آنحق

الهی کیمسه سزلکدن بونالدم آشنا یوقی ؟

وطنسز، خاتمانسز برغریم ملتجا یوقی !

بوتون یوقلقمی هریر؟ باری بریوق دیرصدا یوقی ؟

ناصل بر نقاد بی انصاف اولسوق شو مکمل نظمک بر نقطه سنده نقصان صنعت بوله میوز، شو سلسیل آهنکک بر قطره سنه ذره غبار قارشیدنی کوره میوز. مطلقا بر ظل قصور اولسون بولوق ایسترسه ک برنجی بندک ایکنجی مصراعنده «زارسز مزار» ترکیبک اوفاق بر تنافری جامع بولوندوغنی سویلرز. فقط بیلم بو درجه ده مشکل پسندک عاکفک نظمی تحلیل ایدرکن بیله جائز میدر؟ اوچنجی بندک قافیه لری نه قدر یکی و کوزل یکی. انسان بو بندی اوقورکن اوچنجی مصراعه کلنجه قافیه بولونه میه جق، توکه نیویره جک صانیور؛ صوکره بری برندن کوزل ایکی قافیه ده بولونجه عادتا سوینیور. نظم ایله اوغراشانلر صنعتده، صنعتکار اولمایانلر ایچون سهل وبی کلفت کورون، طبیعتک نه ازیجی، اولدوریجی بر موفقیته اولدوغنی بیلرلر؛ لفظی معناسیله برابر سئوح ایدیورمش سوزلر نجوم لیلله یلدا قدر نادر در؛ دیمک آثار بدیعه ده - اکثریت اوزره - معانی الفاظه فدا ایدیور. خایر: هر نفیسه صنعت، مبدعک بر معشوقه وجدانیدر؛ شاعر اونک ریاض طبیعتدن بدیعه ربای تزه اولماسنه چالیشیر، اونک کوزل لکلرخی الواح کونا کونیله کورمک ایستر؛ فقط حسنه عارض اوله بیله جک شوائب تزییندن بولری اورپریر: هر نظم، ملیکه مالک حسن عریاننه آتیلیورمش بر لحاف باریک و نازاندر؛ شاعر، اوسمین نقاب ظهوری، معشوقه سنک بارعه لطافتنه ناصل بر لوحه تجلی تشکیل ایتک ایسترسه، اوله احضار و تزیین ایدر. لکن اونک ایچون بو وظیفه عادتا بر مجادله در: بتون شکلرینه، الک ایخه قیرمه لرینه مستثنا کوزل لکلر ویرمک ایستدیکی اوبرقع حریری نازان عصیتلریله، سومیلی خیرچیناقلریله شاعرک خائف ولرزان لالزندن سوزولور، دوشر؛ کندینه ویرمک ایسته یلن اشکال حسنی بکنه مز، سوه مز؛ اوده کندی فطرتنه کوره شکلر آلمق ایچون چیرینیر؛ بیچاره شاعر معشوقه بدیعه سنک حضور کالنده اولدوغنی قدرده اوکا اورتمک ایسته دیکی برده نازک معند و مستهزی پروازلری قارشیسنده عاجز و حیران - نهایت اونی طوتار، اوکا بر شکل تعین ویره بیلیر. چوجوقلرک آهولرله اوینامسنی آکدیران بومجادله بدیعه جوانده شاعرک قلبی چوجوق یورکی قدر صاف، فکری چوجوق ذهنی قدر شفاف ایسه غزال صنعتک نهایت کندیسنه رام اولماسی قابل دکلدر. شوقدکه چوجوغک جیلاننه مفتون اولماسی ده ممکن اوله ماز: شاعرک ترسیم ایده جکی لوحه بدیی، معشوقه سنه ویرمک ایستدیکی شکل نازنیندن هر حالده آز چوق فرقی اوله جقدر. یالکزاو فرقلر، سخابه صنعتده کوروله جک اوانجه ایزلر، اوراق خضرایه سوزولمش جیلان نظرلری قدر کوزل اولوق لازم کلیر. اوقدرکه عوارض صنعت حسن وقور اصلی به برنوبن لطافت افاضه ایده - بیلملیدر. باقیکز بونظریه اوچنجی بندک «شو جوشمش اغلیان ایرماق نه خندان کولکه لرسزدی» مصراعنده ناصل انکشاف ایدیور:

شبهه سزکه بومصراع «سزدی» قافیه سنی کتیره بیلیمک ایچون یازلمشدر؛ لکن اوقافیه، اوبرکله جک نه روح آشوب بر بدیعه خیالیه نک سنوخنه بادی اولیور: شمدی جوشقون جوشقون اغلیان ایرماق و قیله، مسعود و خندان، سرمست محبت، کنارلرنده طولاشان کنجیلرک، اوتثال عشق و وفا وجودلرک کولکه لرینه جلوه کاه اولمش، اونلری «سزمش»! بتون برلوحه تصویری بویله برکله نک معنای نازانسه درج ایدیورمک نه بیوک موفقیته شاعرانه در.

شعرک، شودرت نخسندن عبارت کوچوک منظومه نک قیمت معنویه سنه کلنجه: بونی بن پک یوکسک بولیورم. کویا که اسلامک «چکنه شمش دیارندن» قویان نوحات مظلومانه شاعرک قلبنه طویلانش، اوکا قطره قطره، آتشین سموم یأس و حرمان دوکمش؛ اوفریادلر او آجی زهرلر شاعرک یورکنی ازمش، ازمش... نهایت اویورک برلسان فریاد اولیورمش، چیرینه چیرینه بتون آجیلرخی سویلیور! اوله سویلیورکه مرارت اینندن زهرلیمه جک، ایچین ایچین اغلامایه جق برانسان یورکی تصور ایدیله مز. هله بن بوشعری اوقودوغم زمان اوقدر درین بر آجی حس ایتدم که وطنک هنکامه فلاکتی بتون فجایع مشثومه سیله محمد عاکفک لسان اضطرابندن روحه تقطر ایدیور صاندم. شعرده معظم برقریحه نک محصولی اولان بیوک برخیال، عظمتی بر تصویری وار؟ خایر! فقط بوشعر برحس مجسم برحس ذی حیاتدر! بر فریاد روحدرکه قلبی طوتار، یاییلیر. شاعر «باتوب کیتمش نظرلر بکله - مکدن فجر نازانی» مصراعیله باشلادینی نوحه مأیوسانه به، یأس وضجرتک صوک مرتبه سنه واصل اولیورده «بتون یوقلقمی هریر باری بریوق دیر صدا یوقی» سوزیله خاتمه ویریور. شعر بوراده تمام اولمش، آرتق لسان فریاد ابکم قالمشدر؛ لکن شاعر یالکز دکل: مصائبکاه وطنده کندیسینه برابر طولاشان بر «یولجی» وار؛ بو «یولجی» کیمدر عجب؟ کیمدرکه شاعرک جوشش حسیاتندن بیزار اولیور، اونی بر اقوب کیتمه کالقیشیور؟ یولجی ینه شاعرک کندیسینی، هیچ باشقه سی دکل: یولجی شاعرک قوه محاکمه سندن عبارت. کویا اوقوه محاکمه بوغلیان حسیاتدن شفر ایدیور؛ شاعره «نه فریاد ایدیورسک؟ وطنی بوکر بوئه انقراضه دوشورن وطنک اوز اولادی دکلیدر؟» دیمک ایستیور. اجیلغنی عمق روحنده طویدوغنی بو عتاب صائل شاعرک یورکنی یرندن اویناتیور و همان یولجیسندن، یعنی کندی قوه محاکمه سندن:

کیتنه ای یولجی برابر اوطوروب اغلاشلم

المم بر یورکک کاری دکل یایلاشلم

بیته استمداده باشلایه رق فریادینه، فقط بو دفعه ده ممتنع و

مؤید برلسان ایله، تکرار کیریشیور:

کیتنه ای یولجی، برابر اوطوروب اغلاشلم:

المم بر یورکک کاری دکل یایلاشلم!

نه یاپوب یأسی قهر ایله یم بیلمم که؟

اوله دهشتلی محیطده دوشن ماتم که!

آه قارشیمده وطن نامنه بر قبرستان

انتقال ایدن داستان خجایی ده بویه جانی ، قانی الواح مصائب الهامنه
- حیفاکه ! - پک مساعدر . دیمک ایسترم که موضوعک ماهیت
الیه سی شاعرك قوه خیالیه سنه پک واسع مقیاسده افاضه قدرت ایشدر .
مع مافیه شاعرده اوقوه خیالیه یوکسک بر درجه ده موجود اولما .
سیدی بویه بر شعر بوفیضان الهام ایله کنديسندن سنوح ایده مزدی :
خیالی صولغون چیچکلكی بی تاب و شعشه نه قدر شاعر واردرکه
الواح نورانور طبیعتدن برلعه ذی حیات آلوبده نظرکاه بدایع پرستانده
اونی تمثیل ایتکه موفق اوله ماز .

شعردن نظمه نقل بحث ایدلم : بوقوتده برشعرك کسوه ذیروحي
اولان نظم ده طوغروسی فوق العاده ! ذاتاً باشقه درلو اوله ماز که :
اک طیار ووحشی برکوتر الهامی منسوجه دام نظمک خیاط شعله دارینه
رام ایدن محمد عاکف بویه تهورندن کوکره مش فقط هر طرفندن
مجروح اولمش برغضنفر فکر وخیالیمی سلاسل الفاطیله باغلايه مایه جق ؟
بو ایکنجی پارچه ده وزن دیکشدرلمش ، چونکه فکرده برتحول وار :
شاعر منظومه سنک ایلک بندلرنده قلبیه اغلايوب طورورکن نهایت
فکريله دوشونمکه باشلايور ، کنديسینی بر آرزمان حال یأس و هجرانه
براقش اولان « یولی » ایله مخاطبه به براحتیاج حس ایدیور ، برباشقه
وزن اختیاريله آهنگ نظمینه برجریان نوین ویریور . بوراده وزنی
دیکشدرمک اوقدر طبیعتدرکه انسان بوشعری اوقودقدن صوکره لزومنه
کوره ایکی حتی اوج وزن اختیار ایدلمدن - هله اوزان عروضیه ایله -
سایس برشعر ، لسانی مألنه موافق برمنظومه یازمق ناصل قابل اوله .
بیله جکینی عادتاً ادراک ایدم یور ! بر مقاله مده ده سولمش ایدم :
برمنظومه ده وزنک تبدیلی ، بوراده اولدوغی کبی ، مألک تبدیلیله
مترافق اولمالیدر . یوقسه کیف ماتفق برقاج وزن اختیاريله شعر یازمق
ترتیب نظمده عجزدن باشقه برشیئه دلالت ایتز .

ای بوطور اقدده برر نهش پریشان بر اقوب
یوکسه لن موک ارواح ! صافین الرضه باقوب ،
صانماک شوق شهادتله جوشان برقان وار ،
زده اشدن ده حسز ، ده قوقش جان وار !
باقاییک ، هم توکوروک چهره مرداریمزه !
توکوروک : بلکه بر آرز دویغوکایر عاریمزه !
توکوروک جبهه لاقیدینه شرقک ، توکوروک !
قوشقولانسین کورهم غیرتی خلقک ، توکوروک !
توکوروک ملتی الجائجه اوران ضربه لره !
توکوروک اولنره آلفیش داغیدان قجه لره !
توکوروک اهل صلیک او حیا سز یوزینه !
توکوروک اولنرک اصلا کووم نیلمز سوزینه !
مدنیت دینین مسخره مخلوق کوروک !
توکوروک ماسکلی وجدانه عصرک ، توکوروک !

هله اعلانی زماننده شو ملعون حربک ،
» بزه افکار عمومی سی لازم غربک ؛
اوده اللهی بیر اقله اولور . « هرزه سنی
خلقه ایمان کبی تلقین ایلدینک سنی

یاتور شمدی ... ناصل یرله کچمز انسان ؟
شو مزارلرکه اوزاتمش کیدیور ای یولی ،
نرهدن باشلادی یوکسلمه به باق نرده اوجی !
بونه هجران مؤبد ، بونه خسران مبین ،
ازیلیر روح سما ، پارچه لانی قلب زمین !
آزاجق قورجالا طور اقلری ، سیرایت نه جیقار :
دیجیک آلتنده ازیلش ، پاره لانی ققال !
بره دن رنگ هویتلری ، اوجش یوزل !
کیم بیلیر هانکی شاعته او یولش کوزل !
« مدنیت » دین الجافله لعنتلر ایدر
کبی یکپاره کیلمش ده صیرتمش دیشلر !
سونکودن قالبوره دوشمش یجه بیکرله بدن ،
یجه باشلار ، یجه قوللرکه جدا جسمندن !
بشیکندن آتوب پارچه لانی مخلوقات !
صوکره ناموسنه قربان ایدیلن بونجه حیات .
هم بیاض صاچلری قطرانلره باتمش دده لر !
کوکسی بالطه یله قیراش مہ سز والدہ لر !
تکی بیکرجه کسیک کوکده یه عائد کومہ لر :
صاچ ، قولا ق ، ال ، چکه ، پارماق ... بتون انقاض بشر !
باقلم یاوروسی او غرامی دیوب قارندن ،
جانوارلر کی شیشلرده قزارمش نسوان !
ایشته بونلر او فلاکتزده لدرکه ، دوشون ،
قورومش اوت کبی طوغراندی ییچاقلره بوتون !
مسلمانقلری ییچاره لک اوله بویوک
برجنایتک : جزال او نسبتله کوچوک !

نظمندن اول شعری موضوع بحث ایتکدن کنديمی آله مایه جم :
امان یاربی ، بونه مدھش تصویر حال ، نه قانی لوحه هلاک ! صرصرظم
و وحشتک خانمانلردن ، بیابانلردن ، بتون مسلمان یوردلرندن ، عثمانی
بوجاقلرندن قوباروب سورددوکی « انقاض بشر » ایشته شوم منظومه نک ،
بوشالاه برچوش و خروشک فورانلرینه قابلمش ، کلیور ، اورویور ،
ازوب قیریور ! شعرده اوله جانی برتدریج صاعد وارکه ! شاعرك
بچه سحر صنعتی

آه قارشده وطن نامنه بر قبرستان
یاتور شمدی ناصل یرله کچمز انسان

بیتنی بولاد برکبه تن کبی قلبه اوزاتیور ، قلبی وجوده ربط ایدن
حبل جانی یا قالا یور ، صیقیور ... کیتدکجه صارصه صارصه ، چویره
چویره صیقیور ... کیتدکجه ده جلا دانه برخشم ایله چکیور ،
چکیور ... نهایت برخرخره فریاد ایچنده ، اونی یرندن سوکبور ،
قانی ، قانی فیرلاتیور . ایشته نتیجه ، ایشته :

باقلم یاوروسی او غرامی دیوب قارندن
جانوارلر کی شیشلرده قزارمش نسوان !

بیتنک تصویر ایتدیکی لوحه خجاعتدن حاصل اولان تأثیر ! !
بوقوتده بر تصویره شعرلر مز آره سننده پک نار تصادف اولنور .
تصویرک روح مبدعی قوه مخیله در . ایشته شوبارچه مده او روح
صانک تجلی نواری کورورز . فقط روم ایلنک تاریخ آلامزه ابدیاً

صودوران آبدانك ادراكه بول بول تو كوروك! ...
ينه هجران ايله جيلغنم اوستمه بولكون
بكا وحدت كي بربار مساعد لازم
آرتيق اي يولجي براق بن يالكز اغلاييم ...!

بعضاً برکله بوتون برشرك روحی اولیوریر. اوقدرکه شاعر منظومه سنی نه درجه ده کوزل تسمیه ایدرسه ایتسین ، کندیسنك قبول ایتدیکی سرنامه قاله آلتماز ، شعری اوندی حاکم اولان کله ایلله یاد اولنور. مثلاً نفعینك نعت مشهوری « سوزم » قصیده سی، نامق کلاک جزمیده مندرج شعری « یوکسل » منظومه سی عنوانلریله مشهور اولمشدر . ایشته محمد عا کفك بوشعری ده « توکوروک » منظومه سی نامیله شهرتشعار اولوب قاله جقدیر . چونکه کله قوتلیدر ، جانلیدر ، یکیدر . شاعر بولکله ایلله بوتون عثمائلرک نفرت وجدانی سویلیور ، بولکله یی هزیمتمزی حاضر لایانلرک ، آلتیشلایانلرک صورتلرینه یاشدیریور ! بولکله برمنظو- مهنك دکل ، برتاریخك عنوانیدر ؛ بولکله یی بولان ، چهره سیئاتمزه چاربان شاعرک دکل ، ملتک وجدانیدر ! کله یی ثقیل یاخود مستهجن کورمك عجباً قابلیدر ؟ خایر : صمیمی برهیجانی ، حقیقی بریجران قلبی تصویر ایدن کلمات - حد ذاتنده پک زیاده مستهجن اولماق شرطیله - او صمیمیت و حقیقتك درجه سینه ارتقا ایدر ، حتی ماهیت ماله قوت ویرر ، جلادت بخش اولور . ایشته « توکوروک » لفظی شو اون بر بیتدن عبارت صوك پارچه ده اون ایکی دفعه تکرار اولنیور ، فقط لسان شرک نزاقت نجیبه سنی محافظه ده افراط اعتنا ، حتی تعصب کوسترن برشاعر بیله - نه قدر رقت حسه مالک اولورسه اولسون - بولفظدن برشمه استهجان آله ماز ؛ بالعکس کله نك منظومه یه روح شدت افاضه ایتدیکنی کورور ، کله یی سور ، تکرار ایتدیکجه ده زیاده سور . بوبر حقیقت بدیعیه اولمقله برابر محمد عا کفك « توکوروک » لفظی یازمقده ناصل برمهارت صنعتکارانه ابراز ایتدیکنده نظر دقتی جلب ایدرم : اونك خطابی « موکب ارواح » ه عاندر ؛ انسانلری دکل ، روحلری قوتلی ، جانی کله سنك مدلولیله چهره لاقیدیمزه حقارتلر ، نفرتلر یاغدیرمغه دعوت ایدیور ! مخاطب مجرددر ، خطابك کندیسنه تودیع ایتدیکی وظیفه تحقیر بالطبع هر درلو مادیتدن مجرد ایدر .

شو بندك جزالت بیانی تصویر ایچون کله بوله میورم ، نظم اوقدر حاز کالدر . صوك پارچه یی آ کلامق ایچون « هجران » و « وحدت » کله لرینه برار دقت ایتک ولسان تصوفه پک بیکانه اولماق لازم کلیر : هجران ، تفکر الوهیتدن تباعد دیمکدرکه بشر عقلیتنه اعتماد ایتدیکجه بوعقبیه کرفتار اولور ؛ وحدت ده عظمت ربانیه نك تأملنه وقف نفس ایتمکدر . شاعر « یولجی به » یعنی کندبی عقلنه دیورکه : « دوشدیکك کریوه اضطرابده بوغولوب قالدك ، بر نور حقیقت کوره مدك ، بی جیلدیرتدك ، آرتق ای نیجه ادراك ، کریبان عجزمه یاشما ! بی براق ، براق که بن اللهم توجه ایدیم ، اللهم یالكز قاله رق اغلاييم ! » قیمت شعریه به کلنجه : عجباً منظومه نك شو صوك پارچه سی برنجی

و ایکنجی پارچه لری قدر کوزلیدر ؟ دینیه بیلیرکه « شاعر قوتلی برکله بولش ، اونی متصل تکرار ایتش ؛ بوطرز بیانده بر روح شدت بولندوغی انکار اولونه ماز ايسه ده « شعر خالص » اولمق اعتباریله صوك پارچه اولکیلرکی کوزل دکل ! » بویله بر مطالعه وارد اولورسه شوجوابی ویریرز :

اولا بر قوتلی کله نك تکرار یله ده پک مهیج ، پک کوزل برشعر ، بر « شعر خالص » یازیله بیلیر . ناصل که بوراده یازمش : شاعر منظو- مه سنك برنجی پارچه سنده اسلامك چکنه نمش دیارینی ، ایکنجی پارچه - سنده بشرک انقاضی تصویر ایدیور ؛ اوچنجی پارچه سنده ده بوقانلی تصویرلرک ، مدھش لوحه لرك آلامنه بوغولان قلبندن ملتی انقراضه سور وکله ینلره قارشى کال هیجان وشدتله نفرتلر یاغدییریور . الك کوزل شعرلرک حسی اولانلردر .

ایشته بوشعرده حسیات شدیدنه نك بر فورانگاه شعشه داریدر . بوشدت وعظمتیله برابر صمیمیتنه ده انسانی حیران ایدیور : انسانلری ، شرق وغربی ، قجه لری ، اهل صلیبی ، مدینتی حاصلی بوتون عصری حقارتلره بوغقدن صوکره شیرانه تهورلرندن بی تاب و توان قالان شاعر ، عجز انسانیتنه نه کوزل سقوط ایدیور ، صوك بیتنده ناصل حزین حزین اغلايور !

نایا صوك پارچه ده شعر یالكز برکله نك تکرار یله دکل ، بلکه هر بیتنده بوتون صمیمیت وعلویتیه بارزدر . بیلیم بونی تحلیل ایتمکه لزوم وارمی ؟

ای بوطور اقدی برر نغش پریشان براقوب
یوکسلن موکب ارواح! ...!

ایشته سزه برلوحه بر عظمت !

بزه اشدن دهاحسز ، دهاقوقش جان وار!

ایشته بوده آچی ، غایت آچی برشعر . برشعر حقیقت !

مدینت دینیلن مسخره مخلوق کوروک ،

توکوروک ماسکلی وجدانه عصرک توکوروک !

ایشته بوده برشعر حقیقت که عصرک وجداننده کی ماسک کی پارچه .

لیویریور !

مطالعات ناچیزانه مزه آرتق نتیجه ویرم : محمد عا کفك بوشعری اشعار مخلده مز آرمنده قاله جقدیر ، عصرلرجه یاشایه جقدیر . چونکه بیوک برمسلمان یورکنک ، بیوک برعثمانلی یورکنک بیوک برفریادیور ! بوشاهدانه وجدان وعرفانك ابدیت قرین اولدوغنه بن ، اونی انشاد ایتدیکم زمان التماعاتی اطرافنده بولنان معصوملرک بیله کوزلرنده کورمکله ایمان ایلدم ! محمد عا کفك بوشعری بیوکمز ، کوچوکمز همیز از برلیه - جکز ، اولرده ، مکتبلرده ، صحنه لرده ، میدانلرده اوقویه جغز ، اوقوته جغز ؛ هیچقره هیچقره ، بوغوله بوغوله انشاد ایده جکز . برملتک وجدانی حسیات مدلتدن برج مکرته اعلا ایده بیله جک قدرت

(اونلرک وظیفه‌لری آیری) بردانه‌سی ، عسکرک مسائل دینه‌سنی حله ، فصله مأمور . ایکنجیسی طابور واعظی . بونکده وظیفه‌سی یکریمی درت ساعتده بردفعه - ضابطان باشده اولدینی حالده - بتون طابوره ارشادات ، تلقینات . هر آلایکده بویوک برپایسی ، رئیس دینیسی وار . بازارکونی هرزده اولورسه اولسون آلائی تشکیل ایدن طابور افرادینه صلیبی اوپدیرمک ، صلیب آلتنده اولمک فکری ویرمک ، وطنلری چکنه تمه‌مک ، اشغال ایتدکری محللرده اعلا ایتدکری صلیبی الی الابد محافظه عهد ویمان ایتدیرمک .

ایشته دشمن حکومتلرینک باطل و عاقل دینلرندن ظاهرده ایتد - کلری استفاده . ایشته هپسی دینسز ، ایمانسز اولدقلری حالده خلقه متدین کورونمک صورتیه الله ایتدکری فائده .

بزدهده بتون افراد ملتی هر صورتله ایفاظ ایده‌جک اسباب وعواملک هریرده ، بالخاصه اردوده تکمل ایتسی صوک درجه الزمدر . رمضان مناسبتیه استانبولده جوامع مبارکده علمای کرام بووظیفه‌یی ایفایه چالیشیورلر . همده سنین سابقه‌دن ده‌جا جدی ، ده‌جا اساسی ، ده‌جا شمولی برصورتده اوغراشیورلر ، فکر وطن پرورانه‌یی نشر و اشاعه ایدیورلر . تشکر اولنور . فقط ینه آزدور . احتیاجز بوهمتلك فوقنده در .

بن بونی اک زیاده اردوده ، طابورده ، بلوکرده کورمک ایسترم . کرچه استانبول و طشره علمای محاربه حاضرده بووظیفه‌یی ده ایفایه چالیشمشر ، عسکر آراسنه کیرمشر ، ارشاد ایتمشر ؛ وطن ، ملت دوغولری بردرجه‌یه قدر یرلشدیرمک اوغراشمشر . فقط ینه اردویه کیدن کلن خواجه افندیلر بزه حکایه بیوریورلرکه عسکر ، بونک فوقنده ، ارشادات دینه و فکریه‌یه جدا محتاجدر . بویله اوچ کونلک ، بش کونلک موقت تدبیرلر کافی کلپور .

بونلر عسکر اولمازدن اول مملکتلرنده ارشاد اولونمالی . عسکر اولونجه ، طابوره کیرنجه طابورده بوله‌جنی آدم عقلی خوجه‌لرله اونلرک تلقینات دینه و وطنیه‌لری تکمل ایتلیدر .

معذور کوروکز ، یالکز نفرچکلر دکل ، ضابطلر مزکده برچوخی بوکا محتاج . اونلرده برمسلمانه ، سفر برحالنده بولونان برضابطه‌بیلمنسی لازم کلن احکام شرعیه‌یی بیلمیورلر . ایشته سزه برمثال :

ضابط احتلام اولیور . هوا صغوق . حمام یوق . خسته اوله‌جیم دییور ، اغتسال ایتیور . کرک دین ، کرک صحت نقطه‌سندن بر باد ، مردار برحیات یاشایور . بونی کورن ، ضابطنک ایکی آی اغتسال ایتدیکنی بیلن نفرچکلرک ضابطنه ، آمرینه قارشی مربوطیت دینه و معنویه‌سی باشقه لاشیور .

اوتده عسکرچکلر مزه صو اقتضا ایدیور . اوتیمزله نمندن ، هیچ

تسخیریه‌یی حازر و برآیت کریمه‌نک تفسیری اعتباریه عادتاً مرتبه قدسینه نائل اولان بویله برشعر اعلی حکمتک ناظم محترمی ایچون اکصیمی ، اک جدی تبریکات وجدانیه ، آنجق وطنک فیوض آتیه‌سنی ینه بوقدر عالی ، فقط بونک کریان اولدوخی قدر خندان برمنظومه ابداع ایده‌رک تصویره موفق اولماسی تمنیاتیه ایفا ایدیله‌بیلیر .

علی اکرم

مقالات

ملت ارشاده محتاجدر

اوت ، ملت اسلامیه حقیقه ارشاده محتاجدر . مسلمانلرک هر زمان ، هریرده دوچار اولدقلری فلاکتلرک اک برنجی سائق ، عاملی ؛ وظیفه دینه و ملیه‌لری لایقیه بیلمه‌ملری ؛ بوخصوصده کندیلری شاهراه سلامتیه ایصاله کافی مسائلی تلقین ایده‌جک مرشدلردن ، مربیلردن محروم بولونمالیدر .

بالقائل محاربه مشومه‌سنده دوچار اولدیغمز مغلوبیتلرده ، فلاکتلرده دینسزک بیوک ومهم بر موقع اشغال ایتمش ، دشمنلر مزایسه منسوخ و بناء علیه باطل بردینه منسوب اولملریله برابر عسکرلرینه ، اهالیسنه قارشی متدین ، همده فوق‌العاده متدین کورونمک ، کلیسا حیاته بیوک بر مربوطیت کوسترمک ، اک کوچوک برضابطندن تا اردو قوماندانه ، حتی پرنسارینه ، قرالرینه وارنجه‌یه قدر رؤسای روحانیلرینه علی‌ملاء الناس - احتمالک ظاهری - احترامکار بولونمق صورتیه اهالیده بیوک بر ارتباط دینی و ملی تأمین ایتمشر ؛ بوندن ده جدا پک زیاده استفاده ایشلردر . بونی کوزمزه کوردک .

حریفلرده وطن حسی ، ملیت دوغولرک کوه شمش ، کوهکله‌شد . یرلش . اک عادی بر بلنارک ملیته کوچک بر تعریضک - تعرضک دکل - اطرافنده ؛ بتون بر مملکت خلقی اجتماع ایدر ، اونی رد ایدر ، ازاله ایدر ، تمیزلر . او ؛ اونی رد ایتمه‌دن راحت ایتز و ایتدیرمز . بز همیز ، خاطرکز قالماسین ، « اوردوم آلدیرماز »

اونلرک سرآمدانی ملیت حسیله ، ظفر امیدیه منافع سیاسیه‌لری بربرینه قطعاً بکره‌مه‌ین درت دولتی ، درت دولت اهالیسنی صلیب آلتنده برلشدیردکری حالده بز بردینه ، بر دولته منسوب مسلمانلری دینمک امرلرینه رغماً ، بر هلال آلتنده اجتماع ایتدیرمک . آزالدی که حضرت فاتح استانبولی فتح ایتدیکی کون نه‌حالده بولدی ایسه دشمنلر مزه‌ده بزى او حالده بوله‌جقلردی .

بالقائللرک ، بالخاصه کوزمزه کوردیکمز بلغارلرک هر طابورنده ایکشیر دانه پایاس وار ایدی . سیار و ثابت خسته‌خانه‌لرده کیلرده باشقه .